


青浦縣志

封蔭 鄉飲 事例 名宦
人物 一


卷 二十四
二十五



		九	漢
	一	〇	書
	〇	九	門
一	二	四	
四	架	函	類
冊		號	

庫	文	閣	內
元	九	〇	漢
函	一	〇	書
八	四	二	
架	冊	號	類

內閣文庫	
番號	漢 9092
冊數	14 (9)
函號	292 35



青浦縣志 卷二 十三

封蔭

昔成周之制大夫三廟得以禮祭其先人凡適子皆入學於以隆孝治錄舊勳後世封蔭所由昉也青邑自明以前世遠無稽魏志所紀率多脫漏今參府志詳矣門地悉綴於篇或有始在本邑而子姓繼遷他邑者及新遷本邑而其祖父係他籍者均略不書事例雜途并附卷末

封贈

明



曹宗儒 元博官華亭教諭以子衡

沈易 以子度任贈侍講學士又

金鉉 文鼎以子鈍任封

張宗仁 戶部員外郎

蔣文榮 兵部給事中

張廷昂 刑部主事

金愷 以子純任封

錢華仲 以孫溥任累贈

錢維慶 以子溥任累贈

曹琛 以子時中任

陳旻 以子良珊任贈

徐禮 以曾孫階任累贈少

徐賢 以孫階任累贈少

徐黼 官寧都縣丞以子階任

陸蘭 以孫樹聲任贈禮部

陸鵠 尚書兼翰林院學士

袁以嗣 官訓導以子福徵

王良玉 工部員外郎

楊溥 宗遠以子銓任贈南京

楊欽 朝敬以子樞任贈文林

楊樞 詳舉人以子豫孫仕

周雲鵠 封都察院僉都御史

孟永 以子羽正任封

楊應元 以子道亨任

金灑 以子定任封

陸麒 以子應寅任贈應天府推官又

陸應寅 詳舉人以子從平任

蔡璧 以孫汝賢任贈

蔡憲 以子汝賢任贈

許其進 以子汝升任

陸從遠 以子萬鍾任封杭州府推官按察使副使

徐沛 澤鄉以子三重

陸述祖 以子懋修任封

洪鉞 以子都任贈

楊道東 詳舉人以子繼禮

李致孝 以嗣子諫任贈

李致大 以子諫任贈

張德璨 以子以誠任封

陳承恩 以子國是任

徐三重 詳進士以子禎稷

顧定芳 官御醫以子從禮

顧世芳 官署正以子從

錢有聲 庠生以子士貴仕

陳善謨 以子所聞仕

呂錦 詳舉人以子克孝

張佩 以孫爾嘉仕

張嵩 以子爾嘉仕

邱民貴 以子履嘉仕

徐壽 承齡以子泮仕

張齊顏 詳舉人以子蓋臣

葉銘 以孫有聲仕累

葉蕃春 以子有聲仕累

徐聞韶 縣學生以子石麒仕

莫是豹 詳舉人以子道

張應時 詳舉人以子道

李可教 以子逢申仕

朱衣 縣學生以子輅仕

李猶龍 縣學生以子沾仕

陳所聞 詳進士以子龍

包文煌 縣學生以子爾庚

仕贈羅定州知州

本朝

宋懋韶

太學生以子徵璧
仕 贈中書舍人

張以誠

詳進士以子安茂
仕 贈工部主事

諸與行

明字以子舜發
封戶部主事

陸吉修

以子振芬
廣東嶺東道 贈

沈紹曾

復子以子荃
河南按察司副使 贈

張驊

詳貢生以子有光
封工部營繕司主事

曹世臣

縣學生以子際飛
封臨城縣知縣

胡有壽

安山以子士壽
公於康熙二十三年 選州同 贈儒林郎

胡士壽

聖子候選州同
於康熙二十七年 勅授儒林郎 以子永祚 封文林郎 陝西商州

南縣知縣

曹際熙

縣學生以子國維
仕 封中書舍人

孫琪

以子鈺候選州同
康熙三十一年 贈儒林郎

任欽

三年閏五月
遵例急公於康熙三十

任潢

三年閏五月
例急公於康熙三十

岑昆田

素園恩貢生
十六年 贈徵仕郎 山西汾州府永寧州

判州

張風雍

履中以子斯必
於康熙四十七年 選訓導 遵例急公

葉之奇

汝正以子承謨
贈修職郎 又 孫本仕於乾隆十一年 晉

泗州知州有傳

吳中彥 民望以子普仕於康熙五十二年 贈文林

五十二年 郎兵馬司副指揮 贈文林

吳中英 以子天樞遵例急公於康熙 大使

陳匡夏 大生以子錫爵仕於雍正 年

周志仁 贈文林郎陝西石泉縣知縣 馳

周鵬翔 贈文林郎陝西石泉縣知縣 馳

葉承謨 贈文林郎陝西石泉縣知縣 馳

呂 樾 開凡舉人蓋屋縣知縣 以子文焯仕錫山主

縣知 簿於乾隆十六年遵例 馳贈文林郎蓋屋

張元灝 以孫宏燧仕於乾隆二十六年 馳贈文林郎湖南長沙縣知縣

張懷抒 錦如以子宏燧仕於乾隆二十六年

王之輔 幼清以曾孫昶仕於乾隆四十二年

王 璵 魯淵以孫昶仕於乾隆二十六年 馳贈文

大夫吏部考功司主事四十二 年 晉贈資政大夫大理寺卿 誥贈奉直

王士毅 鴻遠以子昶仕於乾隆二十六年 馳贈文

大夫吏部考功司主事四十二 年 晉贈資政大夫大理寺卿 誥贈奉直

王士睿 聖作以姪昶仕於乾隆四十五年

邵仰曾 孝修太學生以子琮仕於乾隆二十

吳孟義 縣學生以孫大勳仕於乾隆三十五年 馳

晉贈朝議大夫雲 南麗江府知府

晉贈朝議大夫雲 南麗江府知府

吳 峩 宜士太學生以子大勳任於乾隆三十五年
年 誥封朝議大夫 江西新建縣知縣乾隆四十四
雲南麗江府知府

徐時俊 以孫恕任於乾隆三十六年
馳贈中憲大夫浙江督糧道

徐 葵 堯文以子恕任於乾隆三十六年
馳贈中憲大夫浙江督糧道

陸 錦 綱含縣學生捐州判職銜以子丕傳任於乾
隆四十二年 馳贈登仕佐郎甘肅秦州吏

諸楚材 肅瞻縣學生以子自毅任於乾隆四十五年
馳贈修職郎安徽寧國府寧國縣儒學教諭

恩蔭

明

沈 蒸 翰林學士度子官
至禮部員外郎

錢 炭 吏部尚書溥子官
府知府

錢 峘 溥次子
未仕

沈 寬 度孫承祖
陰未仕

徐 璠 魯卿太師階子
官至太常寺卿

徐 琳 刑部侍郎陟子以太師
階陰官至楚雄府知府

孫克宏 太子太保承恩子官
至漢陽府知府有傳

陸彥禎 巡撫山東僉都御
史樹德子詳進士

蔡啟元 南京兵部侍郎
汝賢子未仕

陸景朋 吏部主事彥禎子
補父蔭詳舉人

陸景臯 彥禎次子承
兄蔭未仕

孫昌福

漢陽知府克宏子承祖蔭未仕

陸景元

太子太保樹聲孫以存問謝恩特蔭未仕

陸慶祐

履謙景元子承父蔭未仕

孫世瓏

昌福嗣子補父蔭未仕

蔡崇高

啟元子官生補父蔭未仕

錢鼎瑞

寶汾刑部侍郎士貴子承蔭未仕

宋太淵

子以父蔭送監徵輿

本朝

胡鼎蓉

蔭現任以父巡撫寶瓌

徐逢裕

卒議卹得蔭現任兵部主事

附 事例雜途鄉飲

事例

明

張 畦

三十八保人景泰四年捐賑粟八百斛例授八品銜

夏 璣

五十保人景泰四年捐賑粟八百斛例授八品銜

張德奎

祥澤人官廣西潯州衛經歷

顧定方

東川崧宅人

吳 鼎

三十四保人天順改元以年高好義授銜

陸文英

四十六保人天順改元以年高好義授銜

沈 謙

四十七保人天順改元以年高好義授銜

諸真孫 四十二保人天順改
元以年高好義授銜

曹鼎 時用天順年例官
河南布政司都事

曹介 從善富林人官按
察司經歷陞州同

楊學時 中甫楊
扇人

張嗣 三十八保人成化元年捐
賑粟五百斛例授九品銜

張谿 四十二保人成化六年輸助廣
西軍餉粟三百斛例授八品銜

唐琛

唐瑾 俱五十保人成化六年輸助廣
西軍餉粟三百斛例授八品銜

徐壽 七保人嘉靖二十三年減糶
米五百石賑饑奏請授職

施九川 嘉靖三十八年例
官東昌府檢校

楊道腴 侍山嘉靖三十九年
例官樂昌縣縣丞

徐敷訓 四十三保人嘉
靖四十四年例

曹志伊 嚴川浜人隆
慶三年例

楊繼芳 楊扇
人

陸國卿 明字官至
大理寺卿

楊繼美 楊扇
人

陸憲 右
山

楊繼英 楊扇
人

陸鎌 拱
山

盛世臣 萬歷三
年例

陸彥璵

雲石

周祝

萬歷三年例

陳喬

陸景暉

嶠初官至寶慶府同知

諸從禮

萬歷四年例附見黃調元傳

陳邦禮

萬歷四年例

萬彥國

萬歷五年例

諸秉禮

萬歷六年例附見黃調元傳

楊允榮

官上林苑署丞

楊成烈

官四川州判

莫是鯨

萬歷八年例

顧時升

萬歷九年例

董重華

萬歷九年例

杜宗翰

萬歷九年例

徐亮

萬歷十年例

潘雲鳳

萬歷十年例

潘茂學

萬歷十年例

萬辰卿

萬歷十年例

陳夢鯉

雲橋官至山東布政司都事陞州同知

楊世榮

明菴官鴻臚寺序班

潘雲龍 同江官武英
殿中書舍人

陳誠 萬歷十年例

潘道行 萬歷十年例

徐三德 萬歷十年例

朱廷宰 萬歷十年例

陸國卿 萬歷十年例

諸爾達 萬歷十年例

郁承彬 萬歷十年例

顧九思 萬歷十年例

金士卓 萬歷十年例

莊允武 萬歷十年例

王學易 萬歷十年例

金士印

金士丰

顧昌祖 萬歷十年例

曹泖 萬歷十年例

金世龍 萬歷十年例

沈宏道 萬歷十年例

諸錦 萬歷十年例

徐以僕 萬歷十年例

曹大光 萬歷十年例

徐繼溥 萬歷十年例

馮大盛 萬歷十年例

方春英 萬歷十年例

徐廓之 萬歷十年例

陳大定 席生萬歷十年例

錢萬選 萬歷十年例

張兆陽

周曜濂 萬歷十年例

徐思古

彭汝讓 欽之有傳

徐思毅

王思義 萬歷二十年例

陸應孝 萬歷二十年例

蔡先春 萬歷三十年例

諸鶴年 元威天啟年例

本朝

李衍 彙中順治十年例

李嘉言 聖達順治十年例

黃日耀 熙年例

葉務滋 德雨康熙六年例

葉務潤 德符康熙六年例

黃有源 星濤康熙六年例

陳永昌 鳳占康熙七年例

許聚 星瑞康熙七年例

曹李登 龍門康熙七年例

曹綱 勉吾康熙七年例

錢芳模 履吉康熙七年例

錢學模 詔玉原名奕璋康熙七年例

任潢 秋雯康熙七年例

邵來旬 蘿陬增生康熙七年例

孫錡 展九康熙八年例

孫鏊 鼎九康熙八年例

吳晉 天若官行人司行人

鄒允建 庠名允敷字彥皇官武清縣縣丞

呂文焯 鴻藻官儀徵縣縣丞

潘鵬飛 凌雲官黃岡縣巡檢

曹應箕 書倉官南陵縣知縣

曹李登 師璜官江西布政司經歷

張三燮 仲理官施秉縣縣丞

張繼曷 叔明官宿

邵琮 劍詩官遼

董椿 耕雲原名乾官

陸祖庚 平縣知縣

陸嵩庚 龍年官光祿寺典簿兼珍饈署署正

陸丕傳 太之官秦

薛光觀 策三官四川

胡文燦 觀光浙江

吳家經 敘九官龍

曹希焜 淳蒸分發陝

朱伸 蔚如官武

陸鳳翔 觀雲武生官衍

俞天彩 國寧官

諸宏讓 斗章廩貢官

鄒寧汶 靜遠考

鄒孚洪 佑兩考

鄒沛 興子考

陳參 克俊官翰

陸琪 在石考

陸錦 綱含考

陸名時 景雍官布政司理問

陳潤之 沛霖候補知

張錫嘏 鳴謙考

沈龍 岱瞻候

沈旭 升初考

董塗 垂玉考

岑璘 赤城考

岑永培 西翰考

岑學豫 立凡候

岑學乾 易元候

陳茨 醴泉候

陳錫袞 服采候

黃 學乾候

陸兆熊 淇祥候選布

吳國藩 又先候

吳國翰 揆林候選

莊燧 分發甘肅試用

諸祖庚 孫桐候

徐紹用 宗文候

龔安禮 履中捐營千總

陳文寶 鳳書武生捐布政司理問

雜途

明

徐洋 文卿由都吏仕保定衛經歷

周禮 惟敬正德中由府掾官樂平縣主簿有傳

陳鴛 文儀富林人由衛掾授工部提舉司提舉陞嘉定州判茶陵州同

朱可立 重固人由吏員任吏目

陸欽 四十二保人由吏員官主簿

馬應龍 四十六保人嘉靖中由省祭任寶山吏目

金汝器 四十九保人省祭

吳綱 三十八保人萬歷二十年考中候選典史

本朝

呂文焯 鴻藻由主簿職銜南河効力官至義徵縣縣丞

吳天樞 宿源由吏員官福建竹崎所批驗大使

張士俊 由總吏期滿咨部給從九品銜

呂向榮 企南由吏員官伏羌縣典史

劉 光裕由供事官榮澤縣河陰巡檢

俞 友祥由吏員官系藤寨巡檢

陳潤之 沛霖由州同銜南河効力議敘通判

顧天桂 正鍾捐職主簿

青浦縣志

卷二十三

十六

封蔭

張廷琳 翼佩由吏員考職府經歷

陸丕傳 大之官秦州吏目

鄉飲

明

張仲山 五鹿縣學廩生以孝友舉鄉飲年九十卒

何鑾 義尚德舉鄉飲以好

曹慧 心湖縣學生以篤於孝友舉鄉飲

潘寰 紹川縣學生以好學篤行舉鄉飲

潘可賢 以輕財重義舉鄉飲

黃崇道 縣學生以事母孝三舉鄉飲

潘可教 年八十以齒德舉鄉飲

王佐 魯庵以好義舉鄉飲

沈大章 鶴林縣學生授禮部主事以盛德舉鄉飲

張延年 湛一縣學生以文行俱高里推盛德舉鄉飲

李世允 伯元縣學生以文行兼優舉鄉飲

潘廷揚 君時縣學生年八十有八以齒德舉鄉飲

陳一德 良卿隱居教授善詩文舉鄉飲

蔡象春 震賜以隱居積善舉鄉飲

趙尚忠 青芝太醫院官以齒德舉鄉飲

諸慎 震陽太醫院官以齒德舉鄉飲

胡交文 立齋以敦尚古道 質直不汙舉鄉飲

任文燿 以齒德 舉鄉飲

楊學時 中甫以孝 行舉鄉飲

諸從禮 海門以孝友 好義舉鄉飲

錢師周 午江 舉鄉飲

張邦燦 源字以樂善 好施舉鄉飲

本朝

胡方啟 詳副榜明崇禎十七年 本朝 順治六年以齒德兩舉鄉飲

周復祖 怡泉順治八年 以耆德舉鄉飲

席本久 詳貢生以德盛行優 順治九年舉鄉飲

諸舜臣 拱卿縣學生文行俱優 順治十一年舉鄉飲

施元亮 濟所順治十 一年舉鄉飲

吳紹夔 順治十四年以 齒德舉鄉飲

瞿一淳 文伯府學生順治十 五年以文行舉鄉飲

任文炳 鏡谿年登九十樂善好 施順治十六年舉鄉飲

潘衷暘 叔亮文學醇謹順 治十七年舉鄉飲

胡九錫 元功年八十四齒德俱尊順治 十八年康熙元年兩舉鄉飲

張驊 詳貢生兩 舉鄉飲

孫日隆 衍孟以孝 義舉鄉飲

孫琮 爾繩以孝 行舉鄉飲

葉正陽

熙三年舉善篤誠康

吳遵聖

熙三年舉孝友素著康

唐承元

怡濱積善好施康熙

李淑

詳舉人才德兼優

蔡天槎

羽明大醫院官家尚孝

諸懋敏

公遜縣學生以才德兼

吳欽章

兼尊康熙八年舉優齒德

程士亨

鳴岐行全德

張鳳皞

去浮崑山縣學生學行兼

胡達

君實家居孝友樂善好施

陸慶臻

詳舉人文行兼優康熙

孫琪

襄臣文行俱優康熙

諸宏謚

詳貢生文品兼優康熙

葉承謨

詳貢生及封贈乾

青浦縣志

卷二
十四

名宦

親民之官惟在守令蓋以周知疾苦能朝夕拊循也
 青浦壤瘠民偷鼠牙雀角之訟日以數十計而蠹胥
 把持盤互其間號稱難治且賦稅繁多弊竇百出稍
 不慎往往倍溢于正供之外宦斯土者懲奸胥董漕
 弊禁訟師然後良法美意可行也二百餘年來循良
 不少紀載缺如多不可考今就舊志及史傳竝散見
 于詩文集流傳于黎獻者取以著于篇俾後之泄政
 者勸焉

宋

章棗字質夫建州浦城人始以世父得象蔭爲將作監主簿復舉進士甲科知陳留縣以最擢提舉荆湖北路刑獄稍遷直龍圖閣知慶州方是時朝廷戒邊吏毋得外侵乃更斥葭蘆安疆等四砦予夏人使歸我永樂之人棗以謂古者諸侯有罪貶爵削地甚則六師移之今旣憚用兵宜稍取其土疆如古削地之制彼雖猖獗壤地褊小兵不一再舉卽勢蹙力窘矣夏人將寇環慶棗命驍將將精兵授以方畧又使人置毒于牛圈潛水中旣而虜入圍環州其所遣將折可適潛師洪德城虜過識其母梁氏旗幟鼓譟

而出斬千餘級虜經牛圈飲其水人馬多死明年除同知紹聖初徙南京改集賢殿修撰知廣州又知渭州至卽上言城瓠蘆河川據形勝以窺夏國乃以三月及熙河秦鳳慶四路之師出瓠蘆河川築二城于石門峽江口好水河之陰二旬有二日而畢賜名平夏城靈平砦方興役虜以其衆乘我師大敗之擢樞密直學士旣而環慶鄜延河東熙河皆築城夏人睥視不敢動實自涇原始無何夏國主與其母自將數十萬圍平夏不能克一夕遁去戎母慙勞而還除龍圖閣學士夏國統軍鬼名阿埋西壽監軍妹勒都逋皆勇悍善戰棗遣折可適郭成間以輕騎夜直入

其帳執之盡俘其家虜馘三千餘獲牛羊十萬種羌震駭
進端明殿學士棗在涇原四年凡置州一城砦九夏人自
平夏之敗不復能軍屢請命乞朝貢天子赦而聽之乃爲
寢兵徽宗卽位徙知河南入見留提舉中太一宮遂拜同
知樞密院事以老授資政殿學士中太一宮使未幾卒諡
曰莊簡

按莊簡監華亭鹽不見於宋史及東都事畧且其墓
在杭之寶石山卒後徽宗命其壻劉何使兩浙以供
葬事未聞居青邑也然元澤爲公五世孫支派可據
而雲間志已載章棗宅在青龍鎮是非出於附會者

殆以監鹽無關政績故正史缺如歟

趙彥啟字彥和嘉定中監青龍鎮稅重建鎮學養士百里
之間絃歌相聞兵部侍郎杜孝嚴以彥啟有官不顯有民
不多而所知者本所務者大特爲文以美之

元

瞿智字惠夫婁江人爲青龍鎮學教諭築通波閣居之博
學善詩以書法鈎勒蘭尤妙絕累遷文學官攝紹興錄判
明

石繼芳字克肖一字岱宇山東益都人由舉人官猗氏教
諭擢桐城縣知縣萬歷初調青浦時縣廢而復設繼芳周

容相度以唐行鎮道里適均水陸交會乃定計築城濬池
學校壇壝皆悉心區畫尤加意於人才擇秀民而親教之
居三載陞錦衣衛經歷累官陝西兵備道按察司副使因
忤拜反遇害於寧夏

屠隆字長卿浙江鄞縣人生有異才落筆數千言立就舉
萬歷五年進士由潁上知縣調任青浦邑新建諸務未舉
而地又卑庠下值大水民以爲病隆徒行泥淖中督吏民
以治堤害減賦額招流亡水不爲害時張居正柄國行清
丈法餘出者增賦隆以丈出餘田仍繫原田下知府閩邦
寧詰之隆曰丈出餘田譬之衣帶帶非衣不附邦寧詰塞

嘗上徐階書云青浦土瘠賦重流移相望其病亟矣先是
衙役竊弄政出多門而故令又寄耳目於匪人以致敗事
今嚴戢各役奉三尺惟謹門以內從嚴門以外從寬聽斷
惟情惟理絕不敢咨訪近習以滋他弊然左右謹嚴耳目
盡廢形影塊然門外萬里卽地方利弊閭閻隱痛皆莫能
知欲密訪於左右恐未得是非之實而適足以啟奸萌試
問於衆人則或避恩怨之嫌而莫肯以實對此其難者一
也先是催科太嚴捶楚過濫總管經催人等至枵腹而完
官裹創而催辦民甚稱苦逃亡接踵今寬之下頗感激黽
勉完納似矣然朝廷歲額必不可緩徒以官受累無補於

民夫與其姑寬而隨誤以貽後日然眉之患不如先嚴而責完以與百姓息肩之期且錢糧不完或係貧民拖欠或係奸豪負賴或係經收侵欺一概從寬寬貧民猶不失拊循寬侵負則幾蔑國法此其難者二也本縣因田地瘠薄歲苦重差以致人戶逃絕因人戶逃絕以致田地愈荒召募開墾之令非不日懸但緣鄉野小民領種告帖者到縣不時給發有守候之苦有科索之費則恐領種荒田未見其利而先受其害是以小民疑畏不來今訪知弊端業爲立法小民始樂于開墾一月之內領帖者已不下三百餘家但貧民開墾荒田必資工本有田而無工本將焉用之卽給帖猶勿給矣將議賑卹則官帑旣不可擅動申請又未必見從此其難者三也今爲計不得已捐不肖俸資及無礙官銀立法給散貧民爲開墾工本小惠未徧則出示勸諭富民大家自相賑助以富濟貧不拘多寡而本縣爲之懸立賞格或免其罪責或免其雜差重則或獎以牌扁或榮以衣冠以相風勸似矣然自古恤民之政未聞有此恐非政體其可行與否伏願門下教之荒田人戶逃絕重額尚存往往遺累里排賠納不肖業已親歷四鄉踏勘荒田頗爲得實若不設法調停地方日就彫落已經申請議處議者謂求減額糧又謂求作改折愚意識改折則恐小

利無補于民議減額則恐定額難以定減此一節敢望門下將青浦凋瘵苦情與撫臺一言之卽片言九鼎爲地方造福不小矣又與馮夢禎書云青浦地一隅四方無賴宅其中爲小村落華上二縣復割荒區瘠土稍附益之以置縣城中廬舍寥落大都華上兩縣貴官大家別業民貧甚矣而令出賦稅至十數萬民貧故俗趨於姦利苦賦歛急故俗又益日趨於貧又賦歛多爲貴官大家所逋催租吏慆詐者挾官錢從博人酒家飲而募無賴受縣官鞭箠貧者體無完膚易麻桌絲粟不得錢有鬻妻孥者否則挈家逃耳欲以頹上之治治青浦勢不可將釋拊循而議操切

又苦天性雅不能也十數萬官錢令荒落瘠土出辦誰能堪此者非刀錐腹削不得有卽刀錐腹削膏血幾何今強其天性而用筮楚良苦稍寬則十數萬官錢必不辦監司者將持三尺而問罪青浦令寧復爲令乎蓋言其難如此至於政事之餘作祠以祀陸機陸雲招名士馮夢禎及沈明臣輩飲酒賦詩游九峯三泖以仙令自許士民愛戴之尋遷禮部主事爲仇人俞顯卿誣陷罷歸道經青浦父老爲歛田千畝請徙居隆不許歡飲三日謝去哀所作詩文爲由拳集

易之貞字楚衡湖廣蘄水人

舉人萬歷七年授青浦

教諭時學舍初立弟子員皆析自他學頗渙而無紀之貞
整設科條躬親督課士皆凜然

羅朝國字維貞江西新建人萬歷十一年進士來爲知縣
治尚寬平尤能禁奸止暴隸卒向以承符勾攝爲橫朝國
有所攝對卽屬之投牒者絀隸不用邑固澤國而瘠水數
爲災漕使者索賦甚急卒爲緩之更設粥以食饑者以是
歲儉而不饑邑多逋賦民率逃徙朝國白之兩臺請捐積
逋更令得以銀代粟以治最行取吏部主事後歷官至南
京刑部尚書乞歸里門雍容論學無疾而逝贈少保

李松字

江西永新人以鴻臚寺序班出爲縣丞時知

縣羅朝國以廉達稱平歲方大禱斗米至二百錢松運粟
以食其役人曰我不忍以餓隸擾瘠民也繼遷交州州判
以去

卓鈿字邦華號榮麓福建沙縣人萬歷十年舉人授青浦
知縣尚廉潔懲奸猾而留心於造士朔望輒引見諸生爲
講經義士爭砥礪邑未有志鈿屬王圻創輯成書人尤稱
之旋以積勞歿於官囊無餘錢監司賻贈之始得歸其喪
其後有湖州沈雲楫者來爲縣以貪穢聞士民追思鈿將
立碑以懷之而邑有與沈昵者欲令兩人共記一碑衆議
勿善也聞諸知府府以詢于衆有孝廉起而對曰如有所

立卓爾沈同以其私知府憮然乃令獨立卓碑

毛文煒字玉臺吳縣人中

應天鄉試尋選邑教

諭絕筐篚謝修脯月俸不給貸佐之諸生有爲奸所誣者廉得其狀白之又有以徭役愆期者法宜坐力請得解卒全其家任五年擢廣東博羅縣知縣

王思任字季重號遂東浙江山陰人萬歷二十三年進士觀政刑部授邑知縣思任于催科編審聽訟諸事皆犁然秩然吏不得緣以爲奸暇則以詩文自娛名流雲集尤留心人才請廣科舉及入學之額督學道因其言建議以上邑中文聲之振皆其力也逾年以事去尋起爲江西九江

僉事道未赴江寧破馬士英遁至紹興思任上疏數其罪請斬首傳示各省又以書與士英痛斥之魯王監國累擢思任至禮部尚書師潰走入山中以死

鮑奇模字赤城浙江餘杭人萬歷二十三年進士選邑知縣盡心民事時縣中徭役每有放富差貧之患奇模先于編審時按產爲甲乙徭役視以爲差不令里胥得上下其手催科輒寬其期不敲扑而賦自集日食以一鮓菜自給未嘗以供具爲列肆累也凡胥隸之積蠹博徒之聚賭惡少之私鬪嚴其禁約法在必行而於橋梁之便民學宮之造士則皆捐廉俸以倡之

張應登字顯卿丹陽人以歲貢授青浦訓導動止端方不
妄言笑或投暮夜金乞一函於縣令立謝之課士有方多
所成就

劉永清字■■沛縣人萬歷三十四年選邑訓導進諸生
講經課藝寒暑忘疲踰年意有不屑欲棄官去知縣韓原
善勉留之永清潛艤舟郊外日既暝稅衣冠掛郭西門上
賦詩見志登舟而去時稱其高尚云

韓原善字繼之號鵬南直隸盧龍人萬歷三十五年進士
三十六年蒞青浦持躬莊慎盛暑退食必衣冠邑以水爲
患是歲潦益劇原善齋宿露禱徒步風雨泥淖中旋請賑

請蠲請平糶請設糜粥且曰救荒如治兵非特用威難用
恩亦難也其散粟也親入鄉令民坐田塍間隨舟散給之
民入城令列坐城上隨人唱給之設粥入局躬親爨汲嘗
旨否撤局之日復散錢以助耕者饑民皆蒙實惠又除博
徒及訟師擒無賴惡少年立斃之日除盜之本在是也漕
卒橫者請於上官械常平倉前漕減耗過半調長洲縣再
擢戶部主事終開元兵備道

賀仲軾字景瞻河南獲嘉人萬歷三十八年進士令青浦
日早起視事左右却立屏息無一人敢近者督賦不煩編
審有法民皆誦之未幾擢刑部主事

徐尚勲號未孩浙江德清人天啟二年進士任青浦適當
天啟四年大火尚勲力請改折邑人賴之五年調華亭擢
監察御史

鄭友元字其山湖廣京山人天啟元年進士任青浦發奸
摘伏剽決如流老吏皆憚之催輸有法三年邑大治崇禎
庚午分校陳子龍出其門調華亭旋入爲御史以逋青浦
金花銀一千七百與給事中周瑞豹熊開元並貶二秩不
就寄居小蒸久之乃歸楚不仕以終

本朝

唐瑾字雪靈河南光州人順治三年進士初任嘉定縣知
縣拊循百姓課士不少輟請減本色折漕銀二萬餘丁艱
起補青浦亦以惠政傳

魏球字鳴玉號仁齋福建建安人順治五年舉人初任廣
東遷江縣知縣有惠政康熙六年補青浦廉以律身茲以
惠下謙以接士大夫居年餘建文昌書院進諸生而講論
之兵燹之後卓錫縣志散佚不全聘邑人諸嗣郢等修之
尋以催科不力罷官旣出署民築青山棠院以居焉

周肇字子儼號東岡幼穎異十歲能爲文太倉張溥舉復
社聲氣傾海內肇以總角稱高弟名籍甚時王撰王昊等
稱婁東十子肇爲之冠貢入太學順治十五年中順天鄉

試久之得青浦教諭振興學校舉卓異擢江西新淦縣知縣亡何病卒年六十九

李鴻字青立河南南陽人明大學士賢裔孫父孝源翰林院侍講學士雲南布政使彭而述其妻父也鴻以名家子能詩先官中書舍人左遷青浦丞治事餘輒與王原孫鉉輩置酒賦詩未幾病卒時賢惋惜之著有紅香閣集施鴻字則威福建侯官人爲縣丞著史測若干卷嘗以部運至京師謁尚書王士正論南北朝事靡靡可聽士正雅器之

張庚字漢西廣東惠來人康熙十一年舉人選青浦知縣修學宮復尊經閣士爭向學邑多奸吏工挾制脅惑之術庚繩以峻法使不得逞因事問民疾苦無隱不達民以安堵年餘以事罷去郡丞某來署其任庚出民罷市巷哭填塞城闔掖庚歸庚不得已令家人問道奉印縋城下予郡丞民復築惠來書院以居之邑之士人載酒而論文者村童野叟繼粟饋菜把於門者率以爲常居二年以病卒子貞元幼妾徐氏撫之凡二十年而歿以節稱先是庚之去官也崑山徐元文方爲大學士會歲除置酒合樂召賓客客有述庚去官時事者元文歎曰鄰邑有賢令而不能知至於廢斥某之過也爲之罷酒

劉廷諫字 漢軍正黃旗人康熙十五年來蒞縣事時
值兵興又當旱潦之後廷諫一以撫字爲先資性敏達遇事立解額賦不缺而百姓無追呼之擾有訟者片言折之不假箠楚尤慮民俗奢僭示以廉儉衣布食蔬自奉刻苦時時延見士民民間疾苦無不悉者未幾當遷上官知民不忍釋留之令清田畝民喜其復來建清田公署以居之許昭來字 雲南石屏州人康熙二十九年舉人下車
後振文教懲奸宄知邑民彫敝務爲噢咻之蒞政三月有上司至縣索數十鋸意猶未厭昭來惋憤引疾去邑人以爲高因圖其像於學宮又畫九峯三泖城西水驛之景及

父老子弟流連攀戀之情作詩系之爲浦上題襟集

洪亮采字揆菴貴州定遠人康熙三十五年舉人出湯石曾之門授青浦知縣謹身節用悃悃無華生平以四事自勵一勤民一厲操一恤災一崇學嘗與士子相見輒索其文曰我存諸篋行他日歸讀汝文如見汝面且吾省文字遜江南遠甚攜以歸俾有所矜式也其好尚如此官四載以丁憂歸亮采知堪輿家言以南門水關寬大改而隘之後登瀛橋市販日集人謂其驗云

王溯維號七峯河南嵩縣人康熙三十九年進士授青浦知縣明於聽斷案無留牘每坐堂皇決事鬚髯戟張聲如

洪鐘喑鳴叱咤訟者以及胥役人人震恐及察其駁詰問難悉中條理摘奸發伏無敢遁其情也惡猾吏尤甚稍不當輒刑之然卒無枉者故人畏其嚴而樂其廉明在任三年以絀誤罷官未幾復起爲崑山縣知縣雍正二年兼署青浦縣事囚有錢某者呼冤訊之蓋前任吳宏助分投入闈縣丞侯三錫受犯人賄縱之而使錢代承其罪溯維拘正犯并究胥吏之同得贓者劾縣丞罷之三錫哀求丐命不能得也後陞太倉州知州歷官至浙江嘉湖分巡道雍正七年奉

旨查江蘇積欠歷年旣久數目繁芻胥役穿穴輾轉其中

莫可究詰溯維悉心考核分別官侵役蝕民欠三項凡胥役之欺隱者加以重刑盡發其弊他人莫能及也

王理字勵園奉天 旗人雍正四年舉人抵任時年逾

六十矣秉性剛直精力矍鑠望之體貌偉如也敦儉素絕華美訟至者隨理之不以煩瑣爲嫌易怒人見而畏之然案無留牘人無拖累每事皆手裁使令皆擇其樸實者不過三四人以一子自隨親友悉謝去之却鹽典餽送舊規清漕銀多徵積弊在任五載告休謝事去

易祖拭字澈南號嘯谿湖南湘潭人署青浦主簿性爽朗儀表偉然能詩尤工於畫自山水及蟲魚花卉不屑以工

巧見長信手抒寫無不精詣蓋天才敏捷既困于下吏無以見其長故抑塞磊落之氣一於畫發之長縑巨幅無不揮灑立就厭其意而去當其解衣槃礴興酣落墨旁若無人掀鬚自以為得也未幾丁憂歸久之病卒

戴仁行字躍淵山東濟寧州人雍正九年進士由荆谿令調知福泉縣性和而介事無巨細必躬自裁決不假手幕僚胥吏先是雍正三年議析青浦縣分置福泉所轄田多瘠薄而三十一保地隣上海嘉定民俗刁悍抗糧習為固然仁行廉知其弊一切征輸按圖額之多寡均為十限先發圖簿令地保勸催隨其物力之便完及限額而止以故民無差擾而輸納通融羣皆踴躍遂無逋賦乾隆六七兩年以十分全完奏銷蓋通省未有之事也十年秩滿督撫特薦將內擢矣會以并縣謝事旋因盜案未獲挂吏議遂歸不復仕

褚啟宗字亮儕號望亭安徽合肥人乾隆二十五年進士授青浦知縣維時吳淞江久淤不治水漲田往往淹沒乾隆二十八年巡撫莊有恭屬候補知府李原侯知縣張世友縣丞楊宜齋會勘議濬之核定應用銀數通縣按畝攤派所派未能驟集乃奏請先借帑項於兩稅內分年繳納得

旨派上海青浦嘉定三縣各任其地青浦應濬者共
 里啟宗按稅九兩出夫一名給直赴工又度江勢迂曲則
 水流而不暢易以停沙從白鱸灣起抵許家村凡四里疏
 為新河以取直勢正月啟工迄三月未竣事新河所開之
 田計畝給直并請豁免漕米又建千秋橋以便來往迄今
 水不為患縣城創建日久殘缺已甚三十二年奉
 旨興修布政使屬啟宗核計又令崑山縣知縣李景龍助
 理自南門而東至北門水關景龍督之南門而西至北門
 啟宗督之塼埴悉用新者城隍之側用木排護以防其頽
 工作堅密民誦其政旋以丁艱歸服闋病卒

青浦縣志

卷二十五

人物一

松江西接具區東瀕瀛海長泖薛澱與諸山互為映
 帶山川挺秀代產名人而閭巷孝義豪俠時出其間
 茲概以人物統之後之覽者古曰在昔昔曰先民能
 無聞風而興起乎至列女垂譽閨幃而流寓藝術仙
 釋之屬均別著云

漢

張武吳郡由拳人也父業郡門下掾送太守妻子還鄉里
 至河內亭盜夜劫之業與賊戰死遂失屍骸武時年緉不

及識父後入太學每節常持父遺劍至亡處祭醊泣而還
太守嘉其行舉孝廉遭母喪過毀傷父魂不返因哀慟而
卒

吳

陸績字公紀父康漢末爲廬江太守績年六歲於九江見
袁術術出橘績懷三枚去拜辭墮地術謂曰陸郎作賓客
而懷橘乎績跪答曰欲歸遺母術大奇之孫策在吳張昭
張紘秦松爲上賓共論四海未泰須當用武治而平之績
年少末座大聲言曰昔管夷吾相齊桓公九合諸侯一匡
天下不用兵車孔子曰遠人不服則修文德以來之今論

者不務道德懷取之術而惟尚武績雖童蒙竊所未安也
昭等異焉績容貌雄壯博學多識星歷等數無不該覽出
爲鬱林太守加偏將軍給兵二千人績既有瘳疾雖有軍
事著述不廢作渾天圖注易釋元皆傳於世豫自知亡日
乃爲辭曰有漢志士吳郡陸績幼敦詩書長玩禮易受命
南征邁疾遇厄遭命不幸嗚呼悲隔又曰從今以去六十
年之外車同軌書同文恨不及見也年三十二卒長子宏
會稽南郡都尉次子獻長水校尉

陸遜字伯言吳郡人也本名議世江東大族遜少孤隨從
祖廬江太守康在官袁術與康有隙將攻康康遣遜及親

咸還吳遜年長於康子績數歲爲之紀綱門戶孫權爲將
軍遜年二十一始仕幕府歷東西曹令史出爲海昌屯田
都尉並領縣事縣連年亢旱遜開倉穀以賑貧民勸督農
桑百姓蒙賴時吳會稽丹陽多有伏匿遜陳便宜乞與募
焉會稽山賊大帥潘臨舊爲所在毒害歷年不擒遜以手
下召兵討治深險所向皆服部曲已有二千餘人鄱陽賊
帥尤突作亂復往討之拜定威校尉軍屯利浦權以兄策
女配遜數訪世務遜建議曰方今英雄碁峙豺狼闕望克
敵寧亂非衆不濟而山寇舊惡依阻深地夫腹心未平難
以圖遠可大部伍取其精銳權納其策以爲帳下右部督
會丹陽賊帥費棧受曹公印綬扇動山越爲作內應權遣
遜討棧棧支黨多而往兵少遜乃益施牙幢分布鼓角夜
潛山谷間鼓譟而前應時破散逐部伍東三郡強者爲兵
羸者補戶得精卒數萬人宿惡盪除所過肅清還屯蕪湖
會稽太守淳于式表遜在取民人愁擾所在遜後詣都言
次稱式佳吏權曰式白君而君薦之何也遜對曰式意欲
養民若遜復毀式以亂聖聽不可長也權曰此誠長者之
事顧人不能爲耳呂蒙稱疾詣建業遜往見之謂曰關羽
接境如何遠下後不當可憂也蒙曰誠如來言然我病篤
遜曰羽矜其驍氣陵轍於人始有大功意驕志逸得務北

進未嫌于我聞病必益無備今出其不意自可擒制下見
至尊宜好爲計蒙曰羽素勇猛旣難爲敵且已據荊州恩
信大行兼始有功膽勢益盛未易圖也蒙至都權問誰可
代卿者蒙對曰陸遜意思深長才堪負重觀其規慮終可
大任而未有遠名非羽所忌無復是過若用之當令外自
韜隱內察形便然後可克權乃召遜拜偏將軍右都督代
蒙遜至陸口書與羽羽覽遜書有謙下自託之意意大安
無復所嫌遜具啟形狀陳其可擒之要權乃潛軍而上使
遜與呂蒙爲前部至卽克公安南郡遜徑進領宜都太守
拜撫邊將軍封華亭侯備宜都太守樊友委郡走諸城長
吏及蠻彝君長皆降遜請金印銅印以假授初附是歲建
安二十四年十一月也遜遣將軍李異謝旌等將三千人
攻蜀將詹晏陳鳳異將水軍旌將步兵斷絕險要卽破晏
等生降得鳳又攻房陵太守鄧輔南鄉太守郭睦大破之
秭歸大姓方布鄧凱等合彝兵數千人首尾西方遜復部
旌討破布凱布凱脫走蜀以爲將遜令人誘之布率衆還
降前後所獲招納凡數萬計權以遜爲右護軍鎮西將軍
進封婁侯時荊州士人新還仕進或未得所遜上疏曰昔
漢高受命招延英異光武中興羣俊畢至苟可以熙隆道
教者未必遠近今荊州始定人物未達臣愚悽悽乞普加

言海集志 卷二十一 四
覆載抽拔之恩令竝獲自進然後四海延頸思歸大化權
敬納其言黃武元年劉備率大衆來向西界權命遜爲大
都督假節督朱然潘璋宋謙韓當徐盛鮮于丹孫桓等五
萬人拒之備從巫峽建平連圍至彝陵界立數十屯以金
錦爵嘗誘動諸彝使將軍馮習爲大都督張南爲前部輔
匡趙融廖淳傅彤等各爲別督先遣吳班將數千人於平
地立營欲以挑戰諸將皆欲擊之遜曰此必有譎且觀之
備知其計不可乃以伏兵八千從谷中出遜曰所以不聽
諸君擊班者揣之必有巧故也遜上疏曰彝陵要害國之
關限雖爲易得亦復易失失之非徒損一郡之地荊州可

憂今日爭之當令必諧備干天常不守窟穴而敢自送臣
雖不才憑奉威靈以順討逆破壞在近尋備前後行事多
敗少成推此論之不足爲戚臣初嫌水陸俱進今反舍船
就步處處結營察其布置必無他變伏願至尊高枕不以
爲念也諸將竝曰攻備當在初今乃令人五六百里相銜
持經七八月其諸要害皆以固守擊之必無利矣遜曰備
是猾魯更嘗事多其軍始集思慮精專未可干也今住已
久不得我便兵疲意沮計不復生犄角此寇正在今日乃
先攻一營不利諸將皆曰空殺兵耳遜曰我已曉破之之
術乃勅各持一把茅以火攻拔之一處勢成通率諸軍同

時俱攻斬張南馮習及胡王沙摩柯等首破其四十餘營
備將杜路劉寧等窮逼請降備升馬鞍山陳兵自繞遜督
促諸軍四面蹙之士崩瓦解死者萬數備因夜遁驛人自
擔燒饒鎧斷後僅得入白帝城其舟船器械水步軍資一
時畧盡尸骸漂流塞江而下備大慚恚曰我乃爲遜所折
辱豈非天耶初孫桓別討備前鋒於夷道爲備所圍求救
于遜遜曰未可諸將曰孫安東公族見圍已困奈何不救
遜曰安東得士衆心城牢糧足無可憂也待我計展欲不
救安東安東自解及才畧大施備果奔潰桓復見遜曰前
實怨不見救定至今日乃知調度自有方耳當禦備時諸

將軍或是孫策舊將或公室貴戚各自矜恃不相聽從遜
按劔曰劉備天下知名曹操所憚今在境界此強對也諸
君並荷國恩當相輯睦共剪此虜上報所受而不相受非
所謂也僕雖書生受命主上國家所以屈諸君使相承望
者以僕有尺寸可稱能忍辱負重故也各任其事豈復得
辭軍令有常不可犯矣及至破備計多出遜諸將乃服權
聞之曰君何以初不啟諸將違節度者耶遜對曰受恩深
重任過其才又此諸將或任腹心或堪爪牙或是功臣皆
國家所當與共克定大事者臣雖駑懦竊慕相如寇恂相
下之義以濟國是權大喜稱善加拜遜輔國將軍領荊州

言沛集志 卷二十一
六
牧卽改封江陵侯又備旣住白帝徐盛潘璋宋謙各競表
言備必可擒乞復攻之權以問遜遜與朱然駱統以爲曹
丕大合士衆外托助國討備內實有姦心謹決計輒還無
幾魏軍果出三方受敵也備尋病亡子禪襲位諸葛亮秉
政與權連和時事所宜權輒令遜語亮刻權印以置遜所
權每與禪亮書常過示遜輕重可否有所不安便令改定
以印封行之七年權使鄱陽太守孫魴譎魏大司馬曹休
休果舉衆入皖乃召遜假黃鉞爲大都督逆休休旣覺知
耻見欺誘自恃兵馬精多遂交戰遜自爲中部令朱桓全
琮爲左右翼三道交進衝休伏兵因驅走之追亡逐北徑

至夾口斬獲萬餘牛馬驢騾車乘萬兩軍資器械畧盡休
還疽發背死諸軍振旅過武昌權令以御蓋覆遜出入殿
門凡所賜遜皆御物上珍於時莫與爲比遣還西陵黃龍
元年拜上大將軍右都護是歲權東巡建業留太子皇子
及尚書九官徵遜輔太子竝掌荊州及豫章三郡事董督
軍國時建昌侯慮於堂前作鬪鴨欄頗施小巧遜正色曰
君侯宜勤覽經典以自新益用此何爲慮卽時毀撤之射
聲校尉松於公子中最親戲兵不整遜對之髡其職吏南
陽謝景善劉廙之先刑後禮之論遜呵景曰禮之長於刑
久矣廙以細辨而詭先聖之教皆非也君今侍東宮宜遵

仁義以彰德音若彼之談不須講也遜雖身在外乃心於國上疏陳時事權欲遣偏師取彝州及朱崖皆以諮遜遜上疏曰臣聞治亂討逆須兵爲威農桑衣食民之本業而干戈未戢民有饑寒臣愚以爲宜育養士民寬其租賦衆克在和義以勸勇則河渭可平九有一統矣權遂征彝州得不補失及公孫淵背盟權欲往征遜上疏乞息六師以威大魯早定中夏垂耀將來權用納焉嘉禾五年權北征使遜與諸葛瑾攻襄陽遜遣親臣韓扁齎表奏報還遇敵於沔中鈔邏得扁瑾聞之甚懼書與遜云大駕已旋賊得韓扁具知吾濶狹且水乾宜當急去遜未答方催人種葑

豆與諸將弈碁射戲如常瑾曰伯言多智略其當有以自來見遜遜曰賊知大駕已旋無所復感得專力於吾又已守要害之處兵將意動且當自定以安之施設變術然後出耳今便示退賊當謂我怖仍來相蹙必敗之勢也乃密與瑾立計令瑾督舟船遜悉上兵馬以向襄陽城敵素憚遜遽還赴城瑾便引船出遜徐整部伍張拓聲勢步趨船敵不敢干軍到白圍託言住獵潛遣將軍周峻張梁等擊江夏新市安陸石陽石陽市盛峻等奄至人皆捐物入城城門噎不得關敵乃斫殺已民然後得闔斬首獲生凡千餘人其所生得皆加護持不令軍士干擾侵侮將家屬來

者使就料視若亡其妻子者卽給衣糧厚加慰勞發遣令
還或有感慕相攜而歸者鄰境懷之江夏功曹趙濯弋陽
備將裴生及彛王梅頤等竝帥支黨來附遜遜傾財帛周
贍經恤又魏江夏太守遂式兼領兵馬頗作邊害而與北
舊將文聘子休宿不協遜聞其然卽假作答式書云得報
懇惻知與休久結嫌隙勢不兩存欲其歸附輒以密呈來
書表聞撰衆相迎宜潛速嚴更示定期以書置界上式兵
得書以見式式惶懼遂自送妻子還洛由是吏士不復親
附遂以免罷六年中郎將周祗乞於鄱陽召募事下問遜
遜以爲此郡民易動難安不可與召恐致賊寇而祗固陳

取之郡民吳遽等果作賊殺祗攻沒諸縣豫章廬陵宿惡
民竝應遽爲寇遜自聞輒討卽破遽等相率降遜料得精
兵八千餘人三郡平時中書典校呂壹竊弄權柄擅作威
福遜與太常潘濬同心憂之言至流涕後權誅壹深以自
責時謝淵謝元等各陳便宜欲興利改作以事下遜遜議
曰國以民爲本強由民力財由民出夫民殷國弱民瘠國
強者未之有也故爲國者得民則治失民則亂若不受利
而令盡用立効亦爲難也是以詩嘆宜民宜人受祿于天
乞垂聖恩寧濟百姓數年之間國用少豐然後更圖赤烏
七年代顧雍爲丞相其州牧都護領武昌事如故先是二

宮並闕中外職司多遣子弟給侍全琮報遜遜以爲子弟苟有才不憂不用不宜私出以邀榮利若其不佳終爲取禍且聞二宮勢敵必有彼此此古人之厚忌也琮子寄果阿附魯王輕爲交構遜書與琮曰卿不師日磾而宿留阿寄終爲足下門戶致禍矣琮既不納更以致隙及太子有不安之意遜上疏陳太子正統宜有磐石之固魯王藩臣當使寵秩有差彼此得所上下獲安謹叩頭流血以聞書三四上及求詣都欲口論嫡庶之分以匡得失既不聽許而遜外生顧譚顧承姚信並以親附太子流徙太子太傅吾粲生數與遜交書下獄死權果遣中使責讓遜遜憤恚

致卒時年六十三家無餘財初暨豔造營府之論遜諫誠之以爲必禍又謂諸葛恪曰在我前者我必奉之同升在我下者則扶持之今觀君氣陵其上意蔑乎下非安德之基也又廣陵楊竺少獲聲名而遜謂之終敗勸竺兄穆令與別族其先觀如此長子延早夭次子抗襲爵孫休時追諡遜曰昭侯

陸抗字幼節孫策外孫也遜卒時年二十拜建武校尉領遜衆五千人送葬東還詣都謝恩孫權以楊竺所白遜二十事問抗禁絕賓客中使臨詰抗無所顧問事事條答權意漸解赤烏九年遷立節中郎將與諸葛恪換屯柴桑抗

臨去皆更繕完城圍葺其牆屋居廬桑果不得妄敗恪入
屯儼然若新而恪柴桑故屯頗有毀壞深以爲慚太元元
年就都治病病差當還權涕泣與別謂曰吾前聽用讒言
與汝父大義不篤以此負汝前後所問一焚滅之莫令人
見也建興元年拜奮武將軍太平二年魏將諸葛誕舉壽
春降拜抗爲柴桑督赴壽春破魏牙門將偏將軍遷征北
將軍永安二年拜鎮軍將軍都督西陵自關羽至白帝三
年假節孫皓卽位加鎮軍大將軍領益州牧建衡二年大
司馬施績卒拜抗都督信陵西陵彝道樂鄉公安諸軍事
治樂鄉抗聞都下政令多闕憂深慮遠乃上疏陳時宜十

七條鳳皇元年西陵督步闡據城以叛遣使降晉抗聞之
曰部分諸軍令將軍左弈吾彥蔡貢等徑赴西陵勅軍營
更築嚴圍自赤谿至故市內以圍圍外以禦寇晝夜催切
如敵以至衆甚苦之諸將咸諫曰今及三軍之銳亟以攻
闡比晉救至闡必可拔何事於圍而以敝士民之力乎抗
曰此城處勢旣固糧穀又足且所繕修備禦之具皆抗所
宿規今反身攻之旣非可卒克且北救必至至而無備表
裡受難何以禦之諸將咸欲攻闡抗每不許宜都太守雷
譚言至懇切抗欲服衆聽令一攻攻果無利圍備始合晉
車騎將軍羊祜率師向江陵諸將咸以抗不宜上抗曰江

言江縣志 卷二十一 五
陵城固兵足無所憂患假令敵沒江陵必不能守所損者
小如使西陵槃結則南山羣彝皆當擾動則所憂慮不可
言也吾寧棄江陵而赴西陵况江陵牢固乎初江陵平行
道路通利抗勅江陵督張咸作大堰過水漸漬平中以絕
寇叛祐欲因所過水浮船運糧揚聲將破堰以通步軍抗
聞使咸亟破之諸將皆惑屢諫不聽祐至當陽聞堰敗乃
改船以車運大費損功力晉巴東監軍徐允率水軍詣建
平荊州刺史楊肇至西陵抗令張咸固守其城公安督孫
遵巡南岸禦祐水軍督留慮鎮西將軍朱琬拒允身率三
軍憑圍對肇將軍朱喬營都督俞贊亡詣肇抗曰贊軍中

舊吏知吾虛實者吾常慮彝兵素不簡練若敵攻圍必先
此處卽夜易彝兵皆以舊將充之明日肇果攻故彝兵處
抗命旋軍擊之矢石雨下肇衆傷死者相屬肇至經月計
屈夜遁抗欲追之而慮闡畜力項領伺視間隙兵不足分
於是但鳴鼓戒衆若將追者肇衆克懼悉解甲挺走抗使
輕兵躡之肇大破敗祐等皆引軍還抗遂陷西陵城誅滅
闡族及其大將吏自此以下所請赦者數萬口修治城圍
東還樂鄉貌無矜色謙冲如常故得將士歡心加拜都護
聞武昌左部督薛瑩徵下獄抗上疏乞原赦瑩罪時師旅
仍動百姓疲敝抗上疏曰阻兵無衆古之明鑒誠宜暫息

進取小規以畜士民之力觀釁伺隙庶無悔吝二年春就拜大司馬荊州牧三年夏疾病上疏曰西陵國之西門雖云易守亦復易失若有不守非但失一郡荊州非吳有也如其有虞當傾國爭之臣死之後乞以西方爲屬願陛下思覽臣言則臣死且不朽矣秋遂卒子晏景元機雲分領抗兵晏爲裨將軍夷道監天紀四年晉軍伐吳龍驤將軍王濬順流東下所至輒克終如抗慮

陸瑁字子璋丞相遜弟也少好學篤義陳國陳融陳留濮陽逸沛郡蔣纂廣陵袁迪等皆單貧有志就瑁遊處瑁割少分甘與同豐約及同郡徐原爰居會稽素不相識臨死

遺書託以孤弱瑁爲起立墳墓收導其子又瑁從父績早亡一男一女皆數歲以還瑁迎攝養至長乃別州郡辟舉皆不就時尚書暨豔盛明臧否差斷三署頗揚人闇昧之失以顯其譴瑁與書曰汝賴月旦之評未易行也宜遠追仲尼之汎愛中則郭泰之宏濟豔不能行卒以致敗嘉禾元年公車徵瑁拜議郎選曹尚書孫權憤公孫淵之巧詐反覆欲親征之瑁上疏諫權再覽瑁書嘉其詞理端切遂不行赤烏二年瑁卒子喜亦涉文籍好人倫孫皓時爲選曹尚書

陸凱字敬風丞相遜族子也黃武初爲永興諸暨長所在

有治績拜建武都尉領兵雖統軍衆手不釋書好太元論
演其意以筮輒驗赤鳥中除儋耳太守討朱崖斬獲有功
遷爲建武校尉五鳳二年討山賊陳毖於零陵斬毖克捷
拜巴邱督偏將軍封都鄉侯轉爲武昌右部督與諸將共
赴壽春還累遷盪魏綏遠將軍孫休卽位拜征北將軍假
節領豫州牧孫皓立遷鎮西大將軍都督巴邱領荊州牧
進封嘉興侯孫皓與晉平使者丁忠自北還說皓弋陽可
襲凱諫止寶鼎元年遷左丞相皓性不好人視已郡臣侍
見皆莫敢近凱說皓曰君臣無不相識之道若卒有不虞
不知所赴皓聽凱自視皓時徙都武昌揚土百姓涕流供

給以爲患苦又政事多謬黎元窮匱凱上疏曰臣伏見當
今內寵之臣位非其人任非其量不能輔國匡時羣黨相
扶害忠隱賢願陛下簡文武之臣各勤其官州牧督將藩
鎮方外公卿尚書務修仁化上助陛下下拯黎民各盡其
忠拾遺萬一則康哉之歌作刑錯之理清願陛下留神思
臣愚言時殿上列將何定佞巧便辟貴幸任事凱面責定
曰卿見前後事主不忠傾亂國政寧有得以壽終者邪何
以專爲姦邪穢塵天聽宜自改厲不然方見卿有不測之
禍矣定大恨凱思中傷之凱終不以爲意乃心公家義形
於色疏表皆指事不飾忠懇內發建衡元年疾病皓遣中

書令董朝問所欲言凱陳何定不可任用宜授外任不宜
委以國事奚熙小吏建起浦里田欲復嚴密故迹亦不可
聽姚信樓元賀邵張悌郭連薛瑩滕修及族弟喜抗或清
白忠勤或姿才卓茂皆社稷之楨榦國家之良輔願陛下
重留神思訪以時務各盡其忠拾遺萬一遂卒時年七十
二子禕初爲黃門侍郎出領部曲拜偏將軍凱亡後入爲
太子中庶子右國史華覈表薦禕曰禕體質方剛器幹強
固董率之才魯肅不過及被名當下徑還赴都道由武昌
曾不回顧器械軍實一無所取在戎果毅臨財有節夫夏
口賊之衝要宜選名將以鎮戍之臣竊思維莫善於禕初

皓常銜凱數犯顏忤旨加何定譖搆非一旣以重臣難繩
以法又陸抗時爲大將在疆塲故以計容忍抗卒後竟徙
凱家於建安

按吳地記漢廬江太守陸康與袁術有隙使從子遜
與其子績將家遷於長谷又云海鹽縣東北二百里
有長谷陸遜陸凱居此又按元和郡國志長谷在縣
西三十五里陸抗宅在其側今華亭縣治以西十餘
里卽青浦縣境則陸遜陸抗陸績陸凱之居當在今
青境無疑又楊潛雲間志瑁湖卽陸瑁所居在縣北
三十五里則瑁居在青境亦無可疑者故錄此四人

傳載入志中以補魏志之闕至陸景雖係遜之子陸允雖係凱之弟然是否居於今之邑境史籍無明文故置不錄

晉

陸機字士衡吳郡人也祖遜吳丞相父抗吳大司馬機身長七尺其聲如雷少有異才文章冠世服膺儒術非禮不動抗卒領父兵為牙門將年二十而吳滅退居舊里閉門勤學積有十年以孫氏在吳而祖父世為將相有大勳於江表深慨孫皓舉而棄之乃論權所以得皓所以亡又欲述其祖父功業遂作辨亡論二篇太康末與弟雲俱入洛

造太常張華華素重其名如舊相識曰伐吳之役利獲二俊又嘗詣侍中王濟濟指羊酪謂機曰卿吳中何以敵此答云千里尊羹未下鹽豉時人稱為名對張華薦之諸公後太傅楊駿辟為祭酒會駿誅累遷太子洗馬著作郎范陽盧志於眾中問機曰陸遜陸抗於君近遠機曰如君於盧毓盧挺志默然既起雲謂機曰殊邦遐遠容不相悉何至於此機曰我父祖名播四海寧不知邪議者以此定二陸之優劣吳王晏出鎮淮南以機為郎中令遷尚書中兵郎轉殿中郎趙王倫輔政引為相國參軍豫誅賈謐功賜爵關中侯倫將篡位以為中書郎倫之誅也齊王冏以機

職在中書九錫文及禪詔疑機與焉遂收機等九人付廷尉賴成都王穎吳王晏竝救理之得減死徙邊遇赦而止初機有駿犬名曰黃耳甚愛之旣而羈寓京師久無家問笑語犬曰我家絕無書信汝能齎書取消息不犬搖尾作聲機乃爲書以竹筒盛之而繫其頸犬尋路南走遂至其家得還洛其後因以爲常時中國多難顧榮戴若思等咸勸機還吳機負其才望而志匡世難故不從罔旣矜功自伐受爵不讓機惡之作豪士賦以刺焉罔不之悟而竟以敗機又以聖王經國義在封建因採其遠指著五等論時成都王穎推功不居勞謙下士機旣感全濟之恩又見朝

廷屢有變難謂穎必能康隆晉室遂委身焉穎以機叅大將軍軍事表爲平原內史太安初穎與河間王顥起兵討長沙王乂假機後將軍河北大都督督北中郎將王粹冠軍牽秀等諸軍二十餘萬人機以三世爲將道家所忌又羈旅入宦頓居羣士之右而王粹牽秀等皆有怨心固辭都督穎不許機鄉人孫惠亦勸機讓都督於粹機曰將爲吾首竄避賊適所以速禍也遂行穎謂機曰若功成事定當爵爲郡公位以台司將軍勉之矣機曰昔齊桓任夷吾以建九合之功燕惠疑樂毅以失垂成之業今日之事在公不在機也穎左長史盧志心害機寵言於穎曰陸機自

比管樂擬君闇主自古命將遣師未有臣凌其君而可以濟事者也穎默然機始臨戎而牙旗折意甚惡之列軍自朝歌至於河橋鼓聲聞數百里漢魏以來出師之盛未嘗有也長沙王又奉天子與機戰於鹿苑機軍大敗赴七里澗而死者如積焉水爲之不流將軍賈稜皆死之初宦人孟玖弟超並爲穎所嬖寵超領萬人爲小都督未戰縱兵大掠機錄其主者超將鐵騎百餘人直入機麾下奪之顧謂機曰貉奴能作督不機司馬孫拯勸機殺之機不能用超宣言於衆曰陸機將反又還書與玖言機持兩端軍不速決及戰超不受機節度輕兵獨進而沒玖疑機殺之遂

譖機於穎言其有異志將軍王闡郝昌公師藩等皆玖所用與牽秀等共誑之穎大怒使秀密收機其夕機夢黑幘繞車手決不開天明而秀兵至機釋戎服著白帽與秀相見神色自若謂秀曰自吳朝傾覆吾兄弟宗族蒙國重恩入侍帷幄出剖符竹成都命吾以重任辭不獲已今日受誅豈非命也因與穎牋詞甚悽惻既而嘆曰華亭鶴唳豈可復聞乎遂遇害於軍中時年四十三二子蔚夏亦同被害機旣死非其罪士卒痛之莫不流涕是日昏霧晝合大風折木平地尺雪議者以爲陸氏之冤機天才秀逸辭藻宏麗張華嘗謂之曰人之爲文嘗恨才少而子更患其多

弟雲嘗與書曰君苗見兄文輒欲燒其筆硯後葛洪著書稱機文猶元圃之積玉無非夜光焉五河之吐流泉源如一焉其宏麗艷瞻英銳漂逸亦一代之絕乎其爲人所推服如此然好遊權門與賈謚親善以進趣獲譏所著文章凡二百餘篇竝行於世

按屠隆二陸祠堂記機雲兩先生華亭人而青浦故華亭西鄙今兩先生墓實在青浦則今固青浦人不佞來令茲邑旣祀兩先生學宮復爲之建祠專祀焉按士衡贈從兄車騎詩婉變崑山陰髣髴谷水陽攷今小崑山雖屬婁縣而山陰一里卽係青邑其谷

水在華亭縣西三十五里亦在青邑其當載入青浦非獨墓之可徵也

陸雲字士龍六歲能屬文性清正有才理少與兄機齊名雖文章不及機而持論過之號曰二陸幼時吳尚書廣陵閔鴻見而竒之曰此兒若非龍駒當是鳳雛後舉雲賢良時年十六吳平入洛機初詣張華華問雲何在機曰雲有笑疾未敢自見俄而雲至華好帛繩纏鬚雲見而大笑不能自己先是嘗著縷經上船於水中顧見其影因大笑落水人救獲免雲與荀隱素未相識嘗會華座華曰今日相遇可勿爲常談雲因抗手曰雲聞陸士龍隱曰日下荀鳴

青浦縣志 卷二十一 五
鶴鳴鶴隱字也雲又曰旣開青雲觀白雉何不張爾弓挾爾矢隱曰本謂是雲龍駢駢乃是山鹿野麋獸微弩強是以發遲華撫手大笑刺史周浚召爲從事謂人曰陸士龍當今之顏子也俄辟公府掾爲太子舍人出補浚儀令縣居都會之要名爲難理雲到官蕭然下不能欺市無二價人有見殺者主名不立雲錄其妻而無所問十許日遣出密令人隨後謂曰其去不出十里當有男子候之與語便縛來旣而果然問之具服云與此妻通共殺其夫聞妻得出欲與語憚近縣故遠相要候於是一縣稱其神明郡守害其能屢譴責之雲乃去官百姓追思之圖畫形像醜食

社縣尋拜吳王晏郎中令晏於西園大營第室又信任部將使覆察諸官錢帛雲皆諫之雲愛才好士多所貢達移書太常府薦同郡張贍入爲尚書郎侍御史太子中舍人中書侍郎成都王穎表爲清河內史穎將討齊王冏以雲爲前鋒都督會冏誅轉大將軍右司馬穎晚節政衰雲屢以正言忤旨孟玖欲用其父爲邯鄲令左長史盧志等並阿意從之而雲固執不許曰此縣皆公府掾資豈有黃門父居之耶玖深忿怨張昌爲亂穎上雲爲使持節大都督前鋒將軍以討昌會伐長沙王乃止機之敗也并收雲穎官屬江統蔡克棗嵩等上疏請貰其罪穎不納統等重請

穎遲迴者三日盧志又曰昔趙王殺中護軍趙浚赦其子
驥驥詣明公而擊趙卽前事也蔡克入至穎前叩頭流血
曰雲爲孟玖所怨遠近莫不聞今果見殺罪無彰驗將令
羣心疑惑竊爲明公惜之僚屬隨克入者數十人流涕固
請穎惻然有宥雲色孟玖扶穎入催令殺雲時年四十二
有二女無男門生故吏迎喪葬清河修墓立碑四時祠祭
所著文章三百四十九篇又撰新書十篇竝行於世初雲
嘗行逗宿故人家夜暗迷路莫知所從忽望草中有火光
於是趣之至一家便寄宿見一年少美風姿共談老子辭
致深遠向曉辭去行十許里至故人家云此數十里中無

人居雲意始悟却尋昨宿處乃王弼冢雲本無元學自此
談老殊進雲弟耽爲平東祭酒亦有清譽與雲同遇害大
將軍叅軍孫惠與淮南內史朱誕書曰不意二陸相攜闔
朝一旦湮滅道業淪喪痛酷之深荼毒難言國喪僞望悲
豈一人其爲州里所痛悼如此後東海王越討穎移檄天
下亦以機雲兄弟被害罪狀穎云

張翰字季鷹吳郡人也父儼吳大鴻臚翰有清才善屬文
而縱任不拘時人號爲江東步兵會稽賀循赴命入洛經
吳閭門於船中彈琴翰初不相識乃就循言譚便大相欽
悅問循知其入洛翰曰吾亦有事北京便同載卽去而不

告家人齊王罔辟爲大司馬東曹掾罔時執權翰謂同郡
顧榮曰天下紛紛禍難未已夫有四海之名者求退良難
吾本山林間人無望於時子善以明防前以智慮後榮執
其手愴然曰吾亦與子採南山蕨飲三江水耳翰因見秋
風起乃思吳中菰菜蓴羹鱸魚膾曰人生貴得適志何能
羈宦數千里以要名爵乎遂命駕而歸著首邱賦文多不
載俄而罔敗人皆謂之見機然府以其輒去除吏名翰任
心自適不求當世或謂之曰卿乃可以縱適一時獨不爲
身後名耶荅曰使吾有身後名不如卽時一盃酒時人貴
其曠達性至孝遭母憂哀毀過禮年五十七卒其文筆數

十篇行世

按張翰爲青邑人史無明文蓋因諸嗣郢建五賢祠
於神山且於九峯志內各係以小傳魏球纂志遂采
九峯志入之其實別無證據又如顧野王居亭林鎮
今爲華亭所屬與青浦無涉魏志並收亦因此誤也
至顧榮晉史云吳人不詳鄉里顧愷之本傳亦無遷
婁集賢鄉之文郭廷弼府志乃因雲間志有婁集賢
鄉顧陸大姓皆居於此云云輒謂卽屬愷之所居而
榮亦載入耳又衛涇從父膚敏華亭人著於宋史涇
生華亭之蕭塘其祖朝散大夫闕先由華亭遷崑之

石浦涇曾孫圭又由崑山遷常熟涇九世孫戈又由崑山遷嘉定而華亭昔隸秀州故華亭崑山常熟嘉定四邑及浙江通志嘉定府志皆載之雖宋史無傳而源流支派灼然若其爲青浦人絕無可考前志一併收入何也然有其舉之莫敢廢焉不敢遽爲芟削姑記於此

顧榮字彥先吳郡人也爲南土著姓祖雍吳丞相父穆宜都太守榮機神朗悟弱冠仕吳爲黃門侍郎太子輔義都尉吳平與陸機兄弟同入洛時人號爲三俊例拜爲郎中歷尚書郎太子中舍人廷尉正恒縱酒酣暢謂友人張翰

曰惟酒河以忘憂但無如作病何耳會趙王倫誅淮南王允收允僚屬付廷尉皆欲誅之榮平心處當多所全宥及倫篡位倫子虔爲大將軍以榮爲長史初榮與同僚宴飲見執炙者貌狀不凡有欲炙之色榮割炙啗之坐者問其故榮曰豈有終日執之而不知其味及倫敗榮被執將誅而執炙者爲督卒遂救之得免齊王冏召爲大司馬主簿冏擅權驕恣榮懼及禍終日昏酣不綜府事以情告友人長樂馮熊熊謂冏長史葛旟曰以顧榮爲主簿所以甄拔才望委以事機不復許南北親疎以平海內之心也今府大事殷非酒客之政旟曰榮江南望士且居職日淺不宜

輕代易之熊曰可轉爲中書侍郎榮不失清顯而府更收
實才顯然之白罔以爲中書侍郎在職不復飲酒人或問
之曰何前醉而後醒耶榮懼罪乃復更飲與州里楊彥明
書曰我爲齊王主簿恒慮禍及見刀與繩每欲自殺但人
不知耳及罔誅榮以討葛旒功封嘉興伯轉太子中庶子
長沙王又爲驃騎復以榮爲長史又敗轉成都王穎丞相
從事中郎惠帝幸臨漳以榮兼侍中遣行園陵會張方據
洛不得進避之陳留及帝西遷長安徵爲散騎常侍以世
亂不應遂還吳東海王越聚兵於徐州以榮爲軍諮祭酒
屬廣陵相陳敏反南渡江逐揚州刺史劉機丹陽內史王

曠阻兵據州分置子弟爲列郡收禮豪傑有孫氏鼎峙之
計假榮右將軍丹陽內史榮數踐危亡之地恒以恭遜自
勉會敏欲誅諸士人榮說之曰中國喪亂胡夷內侮觀太
傅今日不能復振華夏百姓無復遺種江南雖有石冰之
寇人物尚全榮常憂無竇氏孫劉之策有以存之耳今將
軍懷神武之畧有孫吳之能功勳效於已著勇略冠於當
世帶甲數萬舳艫山積上方雖有數州亦可傳檄而定也
若能委信君子各得盡懷散蕪芥之恨塞讒諂之口則大
事可圖也敏納其言悉引諸豪族委任之敏仍遣甘卓出
橫江堅甲利器盡以委之榮私於卓曰若江東之事可濟

當共成之然卿觀事勢當有濟理不敏旣常才本無大略
政令反覆計無所定然其子弟各已驕矜其敗必矣而吾
等安然受其官祿事敗之日使江西諸軍函首送洛題曰
逆賊顧榮甘卓之首豈惟一身顛覆辱及萬世可不圖之
卓從之明年周圯與榮及甘卓紀瞻潛謀起兵攻敏榮發
橋斂舟於南岸敏率萬餘人出不獲濟榮麾以羽扇其衆
潰散事平還吳永嘉初徵拜侍中行至彭城見禍難方作
遂輕舟而還語在紀瞻傳元帝鎮江東以榮爲軍司加散
騎常侍凡所謀畫皆以諮焉榮旣南州望士躬處右職朝
野甚推敬之時帝所幸鄭貴嬪有疾以祈禱頗廢萬機榮


上牋諫之時南土之士未盡才用榮又言陸士光貞正清
貴金玉其質甘思季忠欵盡誠瞻幹殊快殷慶元質畧有
明規文武可施用榮族兄公讓明亮守節因不易操會稽
楊彥明謝行言皆服膺儒教足爲公望賀生沉潛青雲之
士陶恭兄弟才幹雖少實事極佳凡此諸人皆南金也書
奏皆納之六年卒於官帝臨喪盡哀贈榮侍中驃騎將軍
開府儀同三司諡曰元及帝爲晉王追封爲公開國食邑
榮素好琴及卒家人常置琴於靈座吳郡張翰哭之慟旣
而上牋鼓琴數曲撫琴而嘆曰顧彥先復能賞此不因又
慟哭不弔喪主而去子毘嗣官至散騎侍郎

書滄縣志 卷二十一
陳遺吳郡人性至孝母好食餚底焦飯遺作郡主簿恒裝一囊每煮食輒貯焦飯以遺母後孫恩出吳郡袁崧即日便征遺已歛得數斗焦飯未及歸遂攜以從軍戰於淝濱敗軍人潰散逃走山澤多饑死獨遺以焦飯得活時人以爲純孝之報

宋

顧凱之字偉人吳郡人也高祖謙字公讓晉平原內史陸機姊夫初爲郡主簿謝晦爲荊州以爲南蠻功曹晦愛其雅素深相知待彭城王義康秉權殷劉之際已著凱之不欲與殷景仁久接乃辭脚疾自免歸在家每夜常於牀上行脚家人竊異之而莫曉其故後義康徙廢朝廷多以異同受禍復爲東遷山陰令邑官長晝夜不得休凱之理繁以約縣用無事晝日垂簾門階闕寂還爲揚州治中從事嘗於太祖坐論江左人物言及顧榮袁淑謂凱之曰卿南人怯懦豈作賊凱之正色曰卿乃復以忠義笑人淑有愧色元凶弒立朝士無不移仕惟凱之不徙官世祖卽位遷御史中丞孝建二年出爲湘州刺史治甚有蹟大明元年徵守度支尚書領本州中正二年轉吏部尚書加左軍將軍出爲吳郡太守八年復爲吏部尚書加給事中未拜欲以爲會稽不果還爲吳郡太守戴法興權傾人主而凱之

未嘗降意蔡興宗與凱之善嫌其風節過峻凱之曰辛昆
有云孫劉不過使我不爲三公耳及世祖晏駕法興遂以
凱之爲光祿大夫加金章紫綬太宗泰始初四方同反凱
之又家潯陽王子房加以位號凱之辭曰禮年六十不服
戎以其筋力衰謝非復軍旅之日况年將八十殘生無幾
守盡家門不敢聞命時普天叛逆莫或自免唯凱之心迹
清全獨無所與二年東土旣平以爲左將軍吳郡太守加
散騎常侍復爲湘州刺史常侍將軍如故三年卒年七十
六追贈將軍常侍刺史如故諡簡子凱之家門雖睦爲州
鄉所重五子約緝縹緲緹緹私財甚豐鄉里士庶多負其
債凱之每禁之不能止及後爲吳郡謂緹曰我常不許汝
出倩今思貧薄亦不可居民間與汝交關及我在郡爲汝
督之凡諸券書皆何在緹大喜盡出諸文券凱之悉焚燒
宣語遠近負三郎債概不須還凡券書悉燒之矣



文政癸未

